



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 76. Turcæ obsidionem solvere coacti.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Interea vallum prope arcem erectum continua verberatione dejiciebant, atque eruptione facta ingentem illam lignorum struem, qua Turcæ fossam aperuerant, repentinis flammis combusserunt. Ab eo temporis articulo non nisi tormentorum, & scolpetorum ictibus res gerebatur usque ad vigesimam primam Julii diem, qua Halim Bassa, cum obsessorum pertinaciam nullam vi frangi cerneret, Babocensis obsidionis obtentu tormenta Quinqueecclesias versus noctu transferri jussit, ubi atrox sequebatur prælium, ac ferme extrema Turcarum clades, qua insuperhabita Bassa Zigethi obsidionem redintegrabat, quamvis illico a præsidiariis urbe erumpentibus repulsus fuerit.

Sæcul. XVI.
A.C. 1556.

§. LXXVI.

Turcæ obsidionem solvere coacti.

Evolutis aliquot diebus rursus impetu undique facto continuis octo horis pugnatum est, quin tamen obsessi ad dedendam, vel relinquendam urbem compelli possent, quocirca Halli Bassa omni spe potiundi oppidi abjecta die vigesima nona Julii fugienti similis præmissis Quinqueecclesias belli tormentis ab obsidione discessit, non sine lacrimis ubertim profusis, prout Historicorum nonnulli referunt. Porro Turcarum

*Contin.
Chalc. l. 4.
n. 48. p. 629.*

Sæcul. XVI
A.C. 1556.

ducenta millia in hac expeditione periisse memorantur: ex obsessis vero perempti dicuntur nonnisi centum, & sexdecim, atque a Christianis collecta fuere plusquam duo globorum millia, quæ in proximi belli usum seposita sunt: Halin vero, ut suam famam nonnihil repararet, Babozam, S. Martini oppidum, Geresgalum, Sallium, Laurentii Fanum, & Calamanciam partim flammis absumpsit, partim solo æquavit. Porro tantos insultus fregit adventus Ferdinandi Archiducis a Patre suo cum Sfortia Pallavicino ac delecto equitatu laborantibus suis auxilio missi, nam is cum exiguo armatorum numero contra ingentes Turcarum copias aciem instruxit, ac Karothum, urbem satis munitam, ac tertio Baboza lapide diffitam cinxit, quam etiam primo impetu cepit, victorque miles tanta strage in hac obsidione debachabatur, ut ex sexcentis Turcis ibidem agentibus nonnisi duos in captivitatem abstraheret, trucidatis ceteris omnibus; insuper Halin, postquam ab obsidione redux partim ex insidiis, partim in Hungarorum eruptionibus exercitus sui robur amiserat, viribus fractus, perterritus, ac inglorius Budam se contulit, ubi etiam hic Bellidux, qui ab initio tantam de se expectationem excitaverat, doloribus, atque

atque ignominia plenus ob bellum hoc
adeo sinistre gestum invisam vitam cum
morte commutabat.

Sæc. XVI.
A.C. 1557.

§. LXXVII.

*Guisæ Dux Pedemontium cum suo
exercitu invadens.*

Postquam Papa, ac Caraffenses dire,
& anxie Guisæ Ducem, qui valido
imperabat exercitui, præstolati fuissent,
tandem Mense Januario Anno Domini
millesimo quingentesimo quinquagesimo
septimo eisdem nuntiatum, quod in
Pedemontio nuper adventasset, secum-
que plusquam viginti armatorum mil-
lia duceret; erant enim in Guisii exer-
citu quingenti Cataphracti, mille quin-
genti levis armaturæ equites, quinque
Helvetiorum millia, quatuor millia
Vasconum, & Gallorum peditum se-
ptem millia præter quædam vexilla
Italorum, ac quamplurimos volunta-
riam militiam professos. In hoc exer-
citu Jacobus Sabaudus Nemorsii Dux
sub imperio suo gallicum habuit pedi-
tatum: Rénatus vero Lotharingus Elle-
bovius Guisii Ducis frater Helvetiorum,
ac Rætorum copiis imperabat, eique
Franciscus Clivensis, & Franciscus Vin-
docinus Carnutum Vice-Dominus, ambo
tunc Juvenes adjuncti erant præter alios
ex primaria nobilitate conspicuos, quos

Thuan. l. 18.

num. 1.

Belcar.

comm. l. 27.

num. 20.